

## COMUNICÂT STAMPE

# SUNS 2013, MOENA - VAL DI FASSA FESTIVAL DE CJAŅON IN LENGHE MINORITARIE

## Grande finâl ai 9 di Novembar tal Teatro Navalge

Udin, ai 15 di Otubar - A son nûf i concorints di SUNS 2013, la selezion taliane e alpine dal *Liet International*, Festival internazionâl de cjançon in lenghe di minorance, che si contindaran la vitorie a Moena in Trentin sabide ai 9 di Novembar aes 21 sul palc dal Teatro Navalge.

**CE ISAL SUNS?** – SUNS al è un event musicâl nassût tal 2009 in Friûl par promovi e meti in rêl lis musichis di minorance di Europe. Tes cuatri edizions al è cressût in cualitât e par numar di participants cjapant dentri ancje altris areis di minorance. Chest an si davuelzarà in Trentin, te ladine Val di Fassa, cûr des Dolomitis patrimoni mondiâl UNESCO, coordinât de Provincie autonome di Trent, de associazion culturâl La Grenz di Moena, adun cul la ARLeF - Agenzie regionâl pe lenghe furlane e Radio Onde Furlane.

Ae edizion 2013 a colaborin ancje la Regjon Trentino-Alto Adige/Südtirol, l'Istitut Cultural Ladin "Majon di Fascegn", il Comun general de Fascia, la Aziende pal Turisim Val di Fassa, La Usc di Ladins e l'Uniun Ciantauturs Ladins.

**I CONCORINTS** – A son stâts fintremai 37 i tocs rivâts ai organizadôrs, daûr dal bant di selezion, di 9 diviersis minorancis linguistichis de Italie e dal arc alpin: 5 i furlans, 3 i rapresentants de minorance franco-provençâl, 1 arbrêshe, 2 catalans, 4 ocitans, 2 rumaç, 1 sinti, 6 sarts, e 13 grups o soliscj ladins.

Vot a son lis band che par armoniis sonoris, ricjece tal cjantâ e modernitât espressive a son stadis individuadis. Un viaç musicâl tes lenghis regionâls: des atmosferis mediteraniis cun miscliç tra musiche popolâr e blues dai furlans **Luna e un quarto** al sound tradizionâl-progressist dal gruppo franco-provençâl **322**, passionât di patois, ai rapper sarts **ForeFingers Up! A new Balentia's Joint**, de misture di flamenco, swing, tango e afro dai catalans **Dinatatak** ae liriche dai trovadôrs metude adun cul hip-hop dai ocitans **Doctors de Trobar**, dal rock dai musiciscj arbêrêshe **Peppa Marriti Band** al metal lyric dai ladins **Phantom**, dai svuizars di lenghe rumance **Tawnee**.

I tocs in finâl a Suns 2013 si puedin scoltâ sul sît uficiâl dal festival [www.sunscontest.com](http://www.sunscontest.com), dulà che a son publicadis ancje lis schedis dai participants.

**“LA GRENZ”, L’ULTIN FINALIST** – Dongje dai vot participants selezionâts dal Comitât organizadôr, si è zontât l’ultin finalist, vincidôr dal concurs locâl organizât de associazion “La Grenz”, competizion che e à viodût esibîsi par ladin ancje “The Bastard Sons of Dioniso”, il grup trentin diventât famôs in gracie dal format televisîf “X Factor”. Stefano Merighi, ladin di Pozza di Fassa, si è vuadagnât la partecipazion a SUNS 2013 cul blues dal titul “Fech te mi eies” (Fuoco nei miei occhi).

**LA GARE** - Sul palc dal gnûf teatri Navalge di Moena a saran in gare: **Luna e un quarto** (Furlans); **322** (Franco-provençâls); **Dinatatak** (Catalans); **Doctors de Trobar** (Ocitans); **ForeFingers Up! A new Balentia's Joint** (Sarts); **Peppa Marriti Band** (Arbrëshe); **Phantom** (Ladins), **Tawnee** (Rmançs) e **Stefano Merighi** (Ladin). Dilunc de serade, tant che ospite di onôr e sunarà la band dal non mitic, le “Ganes”, musicistis de Val Badia che cul lôr repertori ladin a son rivadis ae notorietât internazionâl, soledut tal forest.

**PREMI** - Il Festival Suns 2013 al sielzarà 2 vincidôrs, un sielt di une jurie tecniche e un votât dal public.

**VIDEO** – Une curte miniclip e mostre une anticipazion dal event: <http://youtu.be/6YRqam->

*Info: Elisabetta Pozzetto*

0039 0432 555724 mob 0039 335 8002058